



JAVNO PREDUZEĆE ŽELJEZNICE FEDERACIJE BOSNE I HERCEGOVINE
društvo sa ograničenom odgovornošću SARAJEVO
71 000 Sarajevo, Musala 2

Reg.br. 065-0-Reg-06-000614 od 28.12.2006. godine kod Općinskog suda u Sarajevu; Glavni račun: KM 3389002207823509, DEVIZNI-IBAN: BA39+3389002207823509 SWIFT: UNCRBA 22 kod UNICREDIT BANK d.d. Mostar; Računi za redovno poslovanje: KM 1549212001826340, DEVIZNI-IBAN: BA39+50101200-875115 SWIFT: UPBKBA 22 kod INTESA SANPAOLO BANKA d.d. Bosna i Hercegovina; KM 1010000051807253, DEVIZNI-IBAN: BA39+1010000051807253, SWIFT: PBSCBA 22, kod PRIVREDNA BANKA SARAJEVO d.d. Sarajevo; KM 1990490075973745 kod SPARKASSE BANK d.d. Bosna i Hercegovina; KM 1020500000088171, DEVIZNI-IBAN: BA39+1020500000088171 SWIFT: UBKSBA 22 kod UNION BANKA d.d. Sarajevo; ID broj: 4200450270001; PDV broj: 200450270001; Porezni broj: 01071112

Broj: UD-568-1-4.2./2026

Datum: 15.01.2026.godine

Mjesto: Sarajevo

Na osnovu člana 70. stav (3), a u vezi sa članom 64. stav (1) tačka a) Zakona o javnim nabavkama ("Službeni glasnik BiH" broj: 39/14, 59/22 i 50/24), člana 58. Statuta JP ŽFBiH d.o.o. Sarajevo ("Službene novine FBiH" broj: 27/06, 5/08, 49/08, 57/09, 59/11, 92/12, 58/15, 24/17, 68/22 i 83/23), člana 19. Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine JP ŽFBiH d.o.o. Sarajevo i Zapisnika o pregledu i ocjeni ponuda sa preporukom Komisije broj: 14515-1-2/2025 od 26.12.2025. godine, Uprava Društva na 83. sjednici, održanoj dana 15.01.2026. godine, donijela je

ODLUKU
o izboru najpovoljnijeg ponuđača

I

Ugovor za javnu nabavku roba – Betonski pružni pragovi i kolosječni pribor za LOT-1: Betonski pružni pragovi sa odgovarajućim elastičnim pričvrstnim priborom za šinu UIC60 i podloškama ispod šine, dodjeljuje se ponuđaču BH ING d.o.o. Sarajevo (predstavnik grupe) i RAJ PRAGOVI d.o.o. Beograd (član grupe), u ukupnom iznosu od 208.000,00 KM (bez PDV-a), odnosno 243.360,00 KM (sa PDV-om), tender broj: UD-14515-1/2025.

II

Ugovor se dodjeljuje na osnovu člana 64. stav (1) tačka a) Zakona o javnim nabavkama tj. u skladu sa kriterijem ekonomski najpovoljnije ponude.

III

Za realizaciju ove Odluke zadužuju se Ekonomski poslovi Društva - Sektor za nabavke i prodaju.

IV

Ova Odluka stupa na snagu danom donošenja.

O b r a z l o ž e n j e

Uprava Društva Javnog preduzeća Željeznice Federacije Bosne i Hercegovine društvo sa ograničenom odgovornošću Sarajevo je Odlukom broj: UD-14512-1-2/2025 od 04.08.2025. godine, odobrila pokretanje otvorenog postupka za javnu nabavku roba – Betonski pružni pragovi i kolosječni pribor, podijeljen na dva lota, kako slijedi: LOT-1: Betonski pružni pragovi sa odgovarajućim elastičnim pričvrstnim priborom za šinu UIC60 i podloškama ispod šine, LOT-2: Kolosječni pribor za drvene pragove i šinu 60 E1, sa podložnim pločicama, tender broj: UD-14515-1/2025.

UIC 50

Bosna i Hercegovina

JP ŽFBH d.o.o. Sarajevo Centrala: +387 33 657-313; Kabinet Predsjednika Uprave-Generalnog direktora: tel. +387 33 251-120, fax +387 33 652-396; Poslovi razvoja i investicija: tel. +387 33 617-754, fax +387 33 617-922; Željeznički operator: tel. +387 33 251-126, fax +387 33 610-038; Željeznička infrastruktura: tel. +387 33 251-120, fax +387 33 656-062; Ekonomski poslovi: tel. +387 33 251-123, fax +387 33 217-085; Pravni i kadrovski poslovi: tel. +387 33 251-123.

Obavještenje o nabavci je objavljeno na portalu E- nabavki dana 16.09.2025. godine pod brojem: 1050-1-1-167-3-118/25, te u "Sl.glasniku BiH" broj: 56, strana 88, od 26.09.2025. godine.

Rješenjem VD Predsjednika Uprave - Generalnog direktora o imenovanju Komisije broj: 1-14978-1/2025 od 11.08.2025. godine, (u daljem tekstu: Komisija), imenovana je Komisija u sljedećem sastavu: Sehvedin Višća – predsjedavajući – službenik za JN, Želmina Germović - Duraković – član, Almasa Trako – član, Azra Mekik – član i Hejlana Čekić - član. Sekretar Komisije je Edina Karić.

Na osnovu člana 63. Zakona o javnim nabavkama ("Službeni glasnik BiH", broj: 39/14, 59/22 i 50/24), (u daljem tekstu: Zakon), Komisija za javne nabavke se dana 13.10.2025. godine u 14:00 sati sastala radi javnog otvaranja ponuda, uz prisustvo predstavnika ponuđača: BH ING d.o.o. Sarajevo – Amra Gaujašević, DIV BETONSKI PRAGOVI d.o.o. Svrlijig, Srbija – Almir Žujo i ASPO RAIL d.o.o. Sarajevo – Munevera Čeljo, te konstatovala da su do krajnjeg roka za dostavu ponuda pristigle 2 (dvije) ponude ponuđača za LOT-1 i to:

1. Ponuda grupe ponuđača BH ING d.o.o. Sarajevo (predstavnik grupe) i RAJ PRAGOVI d.o.o. Beograd (član grupe), koja je ponudila sljedeće:
Cijena: 208.000,00 KM (bez PDV-a), odnosno 243.360,00 KM (sa PDV-om).
Uslovi i način plaćanja: 60 dana,
Rok isporuke: 6 dana.
2. Ponuda ponuđača DIV BETONSKI PRAGOVI d.o.o. Svrlijig, Srbija, koji je ponudio sljedeće:
Cijena: 109.900,00 EURA (bez PDV-a), odnosno 109.900,00 EURA (sa PDV-om), što iznosi 214.945,71 KM (bez PDV-a). Ponuđač nije u sistemu PDV-a.
Uslovi i način plaćanja: Odloženo, 60 dana od isporuke,
Rok isporuke: 6 dana od narudžbe.

Komisija je prvobitno pristupila pregledu i ocjeni pristiglih ponuda, te konstatovala sljedeće:

Ponuda grupe ponuđača BH ING d.o.o. Sarajevo (predstavnik grupe) i RAJ PRAGOVI d.o.o. Beograd (član grupe) za LOT-1 je ocijenjena kao neprihvatljiva na osnovu člana 2. stav 1) tačka 1) pod 2) Zakona, iz sljedećih razloga:

- U ponudi je dostavljena ovjerena fotokopija punomoći ponuđača RAJ PRAGOVI d.o.o. Beograd broj: 1/25 od 10.10.2025. godine za predstavljanje grupe ponuđača (strana 68/69 ponude), a što nije u skladu sa tačkom 17.7. tenderske dokumentacije. Naime, tačkom 17.7. tenderske dokumentacije jasno je propisano: *"Ukoliko ponudu dostavlja grupa ponuđača, obrazac za cijenu ponude i obrazac za dostavljanje ponude ovjeravaju i potpisuju svi članovi grupe solidarno ili jedan član kao zastupnik grupe uz potpisano i ovjereno ovlaštenje ostalih članova o zastupanju prilikom dostave ponuda, koje dostavlja u originalu uz ponudu"*.
- U ponudi je dostavljena Izjava ponuđača BH ING d.o.o. Sarajevo broj: 10-Ž/25 od 13.10.2025. godine za tačku 13.9.f) tenderske dokumentacije (strana 136 ponude), a koja nije potpisana od strane zakonskog zastupnika ponuđača.

Ponuda se odbacuje u skladu sa članom 68. stav 4) pod i) Zakona o javnim nabavkama, jer ista nije potpuna i ne ispunjava zahtjeve iz tenderske dokumentacije.

Ponuda ponuđača DIV BETONSKI PRAGOVI d.o.o. Svrlijig, Srbija za LOT-1 je ocijenjena kao nepravilna, a na osnovu člana 2. stav 1) tačka 1) pod 3) Zakona, iz sljedećeg razloga:

- Ponuđač je na strani ponude 99 za LOT-1 dostavio garanciju za ozbiljnost ponude. Garancija je dostavljena na dva lista i upakovana je u plastičnu foliju i kao takva uvezana u ponudu. Otvor folije nije zatvoren kako je propisano tačkom 33.2. tenderske dokumentacije, gdje je propisano sljedeće: „Originalna bankarska garancija se dostavlja u zatvorenoj plastičnoj foliji koja se na vrhu zatvori naljepnicom na koju se stavlja pečat ponuđača ili se otvor na foliji zatvori jamstvenikom, a na mjesto vezivanja zalijepi naljepnica i otisne pečat ponuđača”, a što je u skladu i sa članom 3. tačka 1. Pravilnika o formi garancije za ozbiljnost ponude i izvršenje ugovora (Službeni glasnik BiH broj: 90/14), gdje je navedeno: „Garancija za ozbiljnost ponude dostavlja se u originalu, u zatvorenoj plastičnoj foliji (koja se npr. na vrhu zatvori naljepnicom na kojoj je stavljen pečat ponuđača ili se otvor na foliji zatvori jamstvenikom, a na mjesto vezivanja zalijepi naljepnica i otisne pečat ponuđača) i uvezana u cjelinu čini sastavni dio ponude“.

Ponuda se odbacuje u skladu sa članom 68. stav 4) pod i) Zakona o javnim nabavkama, jer ista nije potpuna i ne ispunjava zahtjeve iz tenderske dokumentacije.

Cijeneći navedeno, Komisija je prvobitno utvrdila da nisu ispunjeni zakonski uslovi za nastavak postupka nabavke i dodjelu ugovora za LOT-1, tender broj: UD-14515-1/2025, te je u skladu sa članom 19. stav (1) Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine JP ŽFBiH d.o.o. Sarajevo, dala p r e p o r u k u Upravi Društva za donošenje Odluke o poništenju postupka javne nabavke za LOT-1: Betonski pružni pragovi sa odgovarajućim elastičnim pričvrstnim priborom za šinu UIC60 i podloškama ispod šine, u skladu sa članom 69. stav 2) pod d) Zakona, jer nijedna od primljenih ponuda nije prihvatljiva.

Uprava Društva je prihvatila preporuku Komisije, te na sjednici održanoj dana 06.11.2025. godine donijela Odluku o poništenju predmetnog postupka za LOT-1 broj: UD-20101-1-5.10./2025.

Obavještenje ponuđačima broj: 1-20588-1/2025 od 11.11.2025. godine upućeno je zajedno sa predmetnom Odlukom o poništenju postupka javne nabavke.

Po prijemu Obavještenja ponuđač BH ING d.o.o. Sarajevo (predstavnik grupe) i RAJ PRAGOVI d.o.o. Beograd (član grupe), izjavio je Žalbu broj: JN-1-113/25 Žalba od 21.11.2025. godine, zaprimljenu kod Ugovornog organa pod brojem protokola: 45-21453-1/2025 od 24.11.2025.godine, na Odluku o poništenju postupka nabavke za LOT-1 broj: UD-20101-1-5.10./2025 od 06.11.2025.godine.

U skladu sa članom 100. Zakona, Ugovorni organ je utvrdio da je žalba blagovremena, dopuštena, uredna i izjavljena od strane ovlaštenog lica i od lica koje ima aktivnu legitimaciju.

Ugovorni organ je predmetnu žalbu ocijenio kao neosnovanu i dostavio Izjašnjenje na navode žalbe broj: 1-21717-1/2025 od 28.11.2025. godine, kao i kompletnu dokumentaciju vezanu za postupak nabavke Uredu za razmatranje žalbi na dalje odlučivanje.

Ured za razmatranje žalbi je donio Rješenje broj: JN2-03-07-1-1951-8/25 od 11.12.2025. godine kojim usvaja žalbu ponuđača BH ING d.o.o. Sarajevo (predstavnik grupe) i RAJ PRAGOVI d.o.o. Beograd (član grupe), te poništava Odluku o poništenju postupka nabavke za LOT-1 broj: UD-20101-1-5.10./2025 od 06.11.2025.godine i vraća predmet ugovornom organu na ponovni postupak.

Komisija za javne nabavke je na svojoj zatvorenoj sjednici, a u skladu sa predmetnim Rješenjem Ureda za razmatranje žalbi konstatovala sljedeće:

Ponuda Grupe ponuđača BH ING d.o.o. Sarajevo (predstavnik grupe) i RAJ PRAGОВI d.o.o. Beograd (član grupe) u dijelu koji se odnosi na ispunjavanje uslova iz tačke 13.9.f) tenderske dokumentacije, formalno-pravno ispunjava uslove tražene tenderskom dokumentacijom predmetnog postupka.

Naime, prema pravnom stavu Ureda za razmatranje žalbi, utvrđeni nedostatak koji se odnosio na način potpisivanja izjave iz tačke 13.9.f) tenderske dokumentacije predstavlja formalni propust koji ne utiče na prihvatljivost ponude, budući da je izjava kao zahtijevani dokaz dostavljena u ponudi, ovjerena od strane davaoca izjave, te potvrđena pečatom ponuđača, čime je nesporno dokazano ispunjavanje zahtijevanih uslova tehničke i profesionalne sposobnosti.

Ured za razmatranje žalbi je, cijeneći sadržaj cjelokupne ponude, zauzeo stav da takav formalni propust ne može biti osnov za odbacivanje ponude kao neprihvatljive, posebno imajući u vidu da su dokazi iz tačke 13.9. tenderske dokumentacije, shodno tački 13.10. iste, dostavljeni zajednički od strane članova grupe ponuđača, te da je u ponudi dostavljena i uredno potpisana i ovjerena izjava drugog člana grupe ponuđača.

Komisija konstatuje da su ispunjeni zakonski uslovi za nastavak postupka nabavke i zaključenje ugovora o javnoj nabavci roba – Betonski pružni pragovi i kolosječni pribor za LOT-1: Betonski pružni pragovi sa odgovarajućim elastičnim pričvrsnim priborom za šinu UIC60 i podloškama ispod šine, tender broj: UD-14515-1/2025, te u skladu sa članom 19. stav 1) Pravilnika javnoj nabavci roba, usluga i radova broj: UD-24662-1-3./2022 od 02.12.2022. godine, dala preporuku Upravi Društva za donošenje Odluke o izboru najpovoljnijeg ponuđača i to: grupe ponuđača BH ING d.o.o. Sarajevo (predstavnik grupe) i RAJ PRAGОВI d.o.o. Beograd (član grupe) sa cijenom od 208.000,00 KM (bez PDV-a), odnosno 243.360,00 KM (sa PDV-om), a u skladu sa članom 64. stav (1) tačka a) Zakona, tj. u skladu sa kriterijem ekonomski najpovoljnije ponude.

Uprava Društva je prihvatila preporuku Komisije, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi, putem ugovornog organa, u roku od 10 (deset) dana od dana prijema iste, a u skladu sa članom 99. i 101. Zakona.

Dostaviti:

- Željeznička infrastruktura,
- Sektor za nabavke i prodaju/x2,
- Sektor plana, analize i raspoređivanja prihoda,
- Ponuđačima x2,
- Uz Zapisnik,
- a/a.

VD Predsjednika Uprave – Generalnog direktora

Mirza Hadžibegić, dipl.ecc.

